



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

[XLIX. Nefaria cuiusdam simulatio castigatur diuinitus.]

urn:nbn:de:hbz:466:1-41527

pleri videtur. Hac igitur occasione nomen Beati HENRICI apud illas nationes in veneratione cœpit haberi.

CAPVT XLIX.

*Nefaria cuiusdam simulatio castigatur
diuinitus.*

QUODAM tempore cum non modica multitudo pauperum, variis languoribus oppressa, in Ecclesia Merseburgensi non solum sanitatem corporis; sed & stipem importunè petens confluxisset: Populus, qui, orationis causâ, aduenerat, prout facultas permittebat, vnique misericordiæ manum porrigebat. Vbi rusticus quidam è proxima villa, cupiditate sordens, neruorum contractionem simulauit, & recuruato pede in medio languentium consedit. Quem, dum rei domesticæ cura regredi compulisset, iamque baculo innisus, ficto gressu, extra limen Ecclesiæ processisset, locum quærit opportunum, vt pede reflexo, expeditius, quò tendebat, perueniret. Sed DEO, & Beato HENRICO dignam eius meritis pœnam ingerente, miseriam, quam antè simulauerat, iam dolore irrefragabili, pedem nati cohærente, sentiebat. Quid ageret? Pudor, dolorque conflictu pari in eius mente decertabant. Pudor propalare rem gestam prohibebat. Dolor, confiteri cogebat. Vicit tamen timor. Et omnes hæc audientes, grandis apprehendit timor. Hoc itaque iudicio cunctis claruit, DEI famulum non solum votis piè quærentium adesse; verùm etiam talia præsumptibus districtum obesse; sicque deinceps perfidorum præsumptio talis cessauit.

